

續高僧傳卷第十四

時六

唐釋道宣撰
義解篇十本傳十四人
附見四人

唐益州福感寺釋道基傳一

慧景

蘇州武丘山釋智琰傳二

戶六

蒲州仁壽寺釋道悉傳三道謙

京師崇義寺釋慧頤傳四

同州大興國寺釋道宗傳五

京師靈化寺釋三慧傳六

蘇州通玄寺釋慧願傳七

蘇州武丘山釋法恭傳八

終南山至相寺釋智正傳九智一

襄州紫金寺釋慧稜傳十

慧長

襄州常濟寺釋智拔傳十一

法長

越州弘道寺釋慧持傳十二

荊州玉泉寺釋慧瑜傳十三

越州嘉祥寺釋智凱傳十四

釋道基俗姓呂氏河南東平人上素挺生知譽
標岐嶷年甫十四負帙遊于彭城博聽衆
師隨聞成德討論奧旨則解悟言前披析新

奇則思超文外故徐許騰其明略河海重其
義方致使儕等高推前修仰止隋太尉尚書
令楊素負材經國任總權衡嘗奉清猷躬申
禮敬叙言命理噎歎而旋顧諸宰伯曰基法
師佛法之後寄也自見名僧罕儔其匹即請

於東都講揚心論既夙承風駕體預當衢遊
刃衆部玄機秀舉遂能談鴻河傾響對雷動
于時大業初歲隋運會昌義學高於風雲措
紳峙於山岳皆擁經講肆問道知歸踵武相
趨遐邇鱗萃乃續雜心玄章并抄八卷大小

兩軼由來共傳成得諸門自昔相導皆經緯
剖裂詞飛戾天控叙抑揚範超前古自爾四
海標領盛結慧日道場皆望氣相師指途知
逐以基榮冠望表韻逸寰中大業五年勅召
來止遂即對揚玄論允塞天心隋后解統玄
二十六

儒將觀釋府總集義學躬臨論場鑾駕徐移
鳴笳滿於馳道御筵暫止駐驛清于教門自
大法東流斯席爲壯觀也時披辯之徒俱開
令譽及將登法座各擅英雄而解有所歸並
揖基而爲玄宰既居衆望經綸乃心便創舉

宏綱次光帝德百辟鄉士咸異響而共嗟焉
有隋墜歷寇蕩中原求禮四夷宣尼有旨乃
鼓錫南鄭張教西岷於是巴蜀奔飛望煙來
萃莫不廓清遊霧邪正分焉教閱大乘弘揚
攝論釐改先徹緝續亡遺道邁往初名高宇
內以聽徒難襲承業易迷乃又綴大乘章抄
八卷並詞致清遠風教倫通故覽卷履載者
若登龍門焉信鴻漸之有日矣故貞觀帝里
寓內知名之僧傳寫流輝實爲符契但以世
接無常生涯有寄將修論疏溢爾而終以貞

觀十一年二月卒於益部福感寺春秋六十
有餘矣時彭門蜀壘復有慧景寶暹者並明
攝論譽騰京國景清慧獨舉詮暢玄津文疏
抽引亟發英彩遑神志包總高岸倫儔談論
倚伏態出新異數術方藝無學不長自預比
肩莫有淪溺末年耽滯偏駭遂掩徽猷故不
六
爲時匠之所班列

釋智琰字明璨俗姓朱氏吳郡吳人祖獻梁
貞外散騎侍郎父珉陳奉朝請琰託質華宗
應生觀德母氏張夫人初懷孕日夢昇通玄

寺塔登相輪而坐遠視臨虛曾無懼色斯乃得道超生之勝兆人師無上之奇徵是知二曜入懷雙龍枕膝弗能及也誕育之後輒異儕童秀氣貞心昂形瞻視八歲出家事通玄璩法師爲弟子提屣持衣恭侍弗怠竊瓶執杓受道彌勤年十二妙法華經通誦一部明悟聽察咸謂神童乃自惟曰翼翼京邑四方是則何得久拘坎井乎時年十六即日出都聽報恩持法師講成實論聰慧夙成深智開發故得條振穎拔後來莫二屬持公南上法

筵用輶因還故里觀省二親仍於本寺開弘經法峯巒峻峙辯對如流時年十九莫不嗟其少秀逾年返京從秦皇寺延法師進具德瓶儀鉢深護戒根大莊嚴寺燭法師德重中原名高日下乃依而請道重研新實意得情欵功倍由來誠驥足之逢善馭也陳至德三年建仁王齋集百師百座競流天口之辯千燈七夜爭折動神之微時年二十有二以英少之質叅請耆德通情則高衝折機縱難亦大車杼軸皇上欣賞百辟嗟稱莫不愛其開

典服其敏捷每以人世囂雜幽栖清曠屬陳
氏喪鼎便事東歸削迹武丘將三十載憑巖
面壑任三業而閑安酌澗披松隨四儀而宴
處雖形隱而名揚亦道潛而化洽於是八方
戶六
歸仰四部虔心尚書令楚國公楊素經文緯
四
武王佐國均乘貴負才未嘗許物行軍淮海
聞琰道勝栖山鳴鏡赴隴傾蓋承頰五體投
誠恨接足之晚左僕射邳國公蘇威重道愛
仁彌賞閑放奉使吳越躬造山楹覩貌餐音
虔拜欣躍煬帝居蕃維揚作鎮大招英彥遠

集賢明琰旣道盛名高教書爰及慮使乎之
負罪嗟以已之累人乃披衣出谷蒙敬厚禮
因以辯疾得返舊山隋文遠欽爰降書問屬
炎曆有終鋒鏑騰沸四海同弊三吳益甚檀
越子弟迎出毗壇首尾十載化行常部大唐
統宇咸返舊居武德七年蘇州總管武陽公
李世嘉與內外公私同共奉迎還歸山寺於
是禪賓慧侶更復曩時龍沼鳳林信爲懷喜
然琰自他兩化得離俱修講念之餘常行法
華光明普賢等懺悔又誦法花三千餘遍

感應冥祥神瑞非一宵爐未爇自起煙芬夕
罐繞空潛加溢水又願生淨土造彌陀像行
三種淨業修十六妙觀與州內檀越五百餘
人每月一集建齋講觀勝輪相踵將逾十載
與夫般若臺內匡俗山陰共誓同期何以異

戶六

五

也後見疾浹旬大漸斯及誠訓慈切衆侶哀
泣以貞觀八年十月十一日旦遷神武丘之
東寺春秋七十一其月二十二日窆于寺之
南嶺遠近奔馳卓素通集花香亂空野哀慟
若雲雷自古送終奚復過也惟琰幼小矜莊

立性端儼精誠在操苦節彌勤口辭雜味日
無再飯非義理而不履非法言而不談美貌
奇姿乃超衆表牆岸整肅冰雪凜懷陳臨海
王弟道安法師狀世出家內外通博沙門遍
知學優業淨交遊二子時號三英及屏志林
泉水絕人世芳風令德蹊逕成規莫不迴旗
造山親傳香法信法海之朝宗釋門之棟榦
矣講涅槃法華維摩各三十遍講觀經一百
一十遍常州弘業寺沙門法宣曰余與法師
昔同京縣狎道華年今接善鄰敦交暮齒雖

攀桂之歡或舛而折麻之贈不遺想清顏之
如在悲德音之已寂愧披文於色絲終寄言
於貞石乃與寺主智峯等共樹高碑在于寺
宇

釋道悉姓張氏河東虞鄉人也神氣高邈器
度虛簡善通機會鑒達治方子史流略嘗頗
遊處護法御衆誠其本據雖大通群籍偏以
涅槃攝論爲栖神之宅也與弟道謙發蒙相
化俱趣雲延法師延正法城墮道俗宗歸觀
屬天倫可爲法嗣乃度爲弟子荷擔陪隨遊

栖宮闈講悟談述皆造下筵欣叙玄奧每思
擊節故聽涉乃多而持覽其綱要登預講釋
屢結炎涼三晉英髦望風騰集晚住蒲州仁
壽寺聚徒御化衆樹業當衢然以地居方會
賓旅湊從季俗情無多縱凡度旣行向背憎
愛由生懸道會晉川行光河表日延主客資
給法財皆委僧儲通濟成軌或有所遺者便
課力經始周告有緣德洽氓庶爲無不遂所
六以方遠傳譽更振由來自番王府宰臺省群
僚並紝駕造屐諮詢餘訓或忽遽不遇者心

愧悚戰如謂有所失矣斯固德動物情爲若此也懸陰道自資坐鎮時俗雖復貴賤參請曾無迎送加以言笑溫雅談謔賦詩接晤緣機並稱詞令而奉禁守節不妄虧盈頻致祥感時所重敬大業末歲妖氣雲奔因事返京夜停關首所投主人家有五男又勾外盜見懸馬壯欲共私之夜往其所乃見十人圍達

合面歸懼焉其冥通顯益如此例也又以仁讓之性出自天心預見危苦哀憐拯濟無擇怨憎通情盡一唐初廓定未拔蒲州懸與寺僧被擁城內時有一僧恒欲危害非類加謗乃形言色懸雖聞此曾不綴慮既規不遂乃欲翻城事發將戮並無救者懸涕泣辭謝於執事曰此僧爲過事屬懸身教導未通故爲罪疊此則過由懸身起宜當見戮苦復設諫執事如是其敵而不忍見懸云云遂即釋放自此已後更發仁風據事引之達量之弘者

六

七

矣逮貞觀中年冬有請講涅槃者預知將終苦不受請前人不測意故鄭重延之乃告曰所以固辭者不終此席耳不免來意且復相煩遂徃王城谷中道俗齊集悉登座正題已告四衆曰世界法爾不久當終敢辭大衆云

何偈後請寄來生遂依文叙釋恰至偈初即覺失念經纔三宿卒於山所春秋七十有五即其年十二月二十五日也閩境同號若喪考妣當夜雪降周三四里乃掃路通行陳屍山嶺經夕忽有異花遶屍周帀披地涌出莖

長一二尺許上發鮮榮似疑冬色而形相全異七衆驚奉悲慶詔山有折將入城示諸耆宿乃內水瓶中至明年五月猶不萎悴後拔之於地方始枯矣其冥祥所感希世如此晉州有人性愛遊獵初不奉信有傳悉之祥兆達其耳者乃造山覓之花滅屍亡唯覩空處仍大哭曰生不蒙開信死不蒙花瑞一何無感必神道有徵願重垂靈相言訖地涌奇花還長尺許欣慰嘉應遂折取而歸通告鄰川由斯起信並近年目信可妄傳乎悉弟道謙

字行之美少劣於兄而講解十地有聞開表
以仁壽住寺既濱關路每因此爲塵地接京
都亟勞人事乃顧言幽遁歷觀山水谷號王
城因而栖處時復登高臨遠摘體風雲具引
名篇高調清逸道俗賓會又聚山門談謔引
戶六

八

心未曾虛左以貞觀元年卒于山舍春秋六
十七憇撫之洒淚與弟子道基等閣毗遺陰
收其餘塵散之風府追惟恩悌爲造釋迦塼
塔一區勒碑樹德沙門行友爲文

釋慧願俗姓張氏清河人也有晉永嘉避地
居于建業焉天性通簡風神詳正洽聞博達
砥礪後賢昔在志學早經庠塾業貫儒宗藝
能多具父正見有陳文國英彥所高自有別
集嘉其欣奉釋門悟其神宇將欲繼世其業
故有所志請並抑奪之和尚識真日積陳情
切至若不出家誓當去世乃恐其畢命且隸
李宗旣處靜觀權持巾褐遂授三五秘要符
籙真文并筭數式易禁勑等法神慧開明指
掌通曉又旁詢莊老三洞三清楊子太玄葛
生內訣莫不鏡識根源究尋支派未乃思其

真際崇尚自然駐彩練形終期羽化討尋至
理若響難追即密誦法華意歸佛種未經時
序文言並竟會陳帝度僧便預比較太建年
中便蒙勅度令住同泰剃落之後親親乃知
既是官許便印稱慶由附緇九併稟聽衆經後
至前達日增榮唱隋降陳國北度江都又止
華林栖遑問法有解法師成論名匠因從累
載聽談玄義稽洽先聞更弘神略以道行成
著緇素攸歸開皇末年被召京寺于時晉王
開信盛延大德同至日嚴並海內杞梓遍互

相師每日講乘五輪方駕遂得通觀異部遍
覽衆傳讎討舊聞考定新軌陶津玄奧慧悟
彌新深鑒訶黎漏文小道乃歸宗龍樹弘揚
大乘故得中百般若唯識等論皆欽沐神化
披閱文言講導相仍用爲已任時閑屏退成
慮研思所誦法華通持猶昔弁講文義以爲
來習負慤守正不妄參迎沙門智首道岳等
並學窮稽古架業重霄飲德欽風留連信宿
詳議法律刪定憲章歡笑而旋尋復造展武
德之始皇姊桂陽長公主造崇義寺及崇戒

範義而居之世屬休明物情重律師玄琬道張朝市行感紫宸氣結風雲遊從龍象每事邀延叙言友敬而謙虛成治時復栖焉琬深戢機神彌隆致接故有出罪受戒常居無席矣貞觀十一年夏末風疾屢增召門人曰形勢不久將畢大辭宜各敦自愛不宜後悔恨福業未就以爲慮耳乃割其冬服並用成之又曰若識神自課可有常規恐脫昏昧非時索食一無與法後將大漸時過索粥答曰齋時過矣便默然不言其臨終奉正爲如此

也至其年七月二十六日卒於所住春秋七十有四葬于高陽原之西鑿穴處之後又於南山豐德寺東巖斷石爲龕就銘表德余學年奉侍歲盈二紀慈誥溫洽喜怒不形誨以行綱曲示纖密蒸嘗御涉炎涼不倦初受具後性愛定門啓陳所請乃曰戒淨定明道之次矣宜先學律持犯昭融然後可也一聽律筵十有餘載因修章句遂欣祖習貞觀初年拔思關表廣流聞見乃跪陳行意便累余日出家爲道任從觀化必事世善不可離吾因

而流涕余勇意聞道暫往便歸不謂風樹易
喧逝川難靜往還十載遂隱終天悲哉

釋道宗姓衛氏馮翊人也行性虛融寬仁篤
愛優洽成濟有名當世弱年遺俗敦務釋門
專志大論講散文旨周武廢道隱形俗壞內
蘊明禁外附世塵隋朝開教便預剃落住同
州大興國寺寺即父祖之生地也房室堂塔
前後增榮背城臨水重輪疊映寺立四碑峙
列方面宗於其中敷弘連席悟物旣廣開洗
塵心而形解雄邃聽徒崇重四方賓客日別

經過周給供擬著名道俗大業季曆荐餒相
尋丘壑填骸人民相食唯宗偏廣四恩開化
氓隸施物所及並充其供故蒲州道慈同州
道宗住隔關河途經即日情同拯濟騰實廣
焉衆以德望攸歸舉知寺任統收僧侶慈旨
弘被以法寄人弘成濟在律僧衆餘學彙倫
斯亂乃到京室延請沙門智首中夏講說宗
率其部屬三百餘人橫經承旨初不覺倦立
寺極久淨地全無雖未執觸終染宿煑釋文
至此宗乃知非銜慨晚學未成護法乃停講

翻穢方進後文又常徒布薩物貴新聞衆多說欲不赴斯集及聞欲之爲教誠爲希求本是厭怠不成聖法自爾盡報躬臨說戒諸有不來量事方許無至累約言涉勤繁者皆爲之流淚霑巾歎欷不已其欽敬正法爲若此也貞觀十二年遘疾卒于所住春秋八十有五門徒弟子五百餘人奉佩法訓無因景仰乃竭情厚葬故輶駕連陰幢蓋相接數里之間皂白斯滿墳於城東立碑表德釋三慧樓煩人崇履涅槃以爲正業行流河

朔名振伊瀍大業初年以學功成采下勅徵入慧日道場東都晚進玄津通涉慧有功矣而神氣清嚴顧盼成則鼓言動論衆所憚焉帝以通道明機務須揚選乃勅往巴蜀搜舉藝能屬隋運告終寓居邛僰流離從物因事引生而性絕煩囂屏居弘業鄼國公竇軌作鎮庸蜀偏所諮崇服其處靜自虛致斯隆敬異等慧觀時制用故無虛影武德九年遠朝京闕勅見勞問任處黃圖工部尚書段綸宿樹善因造靈化寺欽慧道素上奏住之時復

闡弘重移榮彩頗傳筆記後學稱尋貞觀年

中召入叅譯綴文證義倫次可崇製翻經館

序控清置列贍勇豐矣以其年卒於本寺春

秋七十矣慧昔在絳州獨處別院感見神童

形質希世致敬於慧云屈法師誠助知事勿

十六

十二

耕墓所言已便隱初來之爲述後復重來還

述前事若不爲語當打彼僧必至死也登爲

問之乃正耕田中故冢遂令止之由是僧侶

清晏卒無後患自非立王處懷焉使非人投

告故慧之垂訓不許觸犯幽顯如所引云

釋慧顥姓李氏江夏人本寔龍西世載蟬冕

遙派合於天潢遠條連於若木十一世祖西

晉都亭侯重避難徂南亭于夏汭因遂家焉

十歲出家師事舅氏光嚴寺明智法師智即

建初之入室蒙命說以開筵乃竭志依承義

門斯啓于斯時也南國令主雅重仁王每歲

肆筵高選名德年纔弱冠預擬斯倫高第旣

臨聲唱逾遠天子目覩天人仰贊光寵國恩

恭先是立及天祐陳德隋運剋昌金陵講席

掃土俱盡乃杖策遊吳大乘頓轡爰整其旅

廣開學市遠招八埏之士以扇一極之風蘇州刺史劉權果達三德才著九能又於簡易時務依影法筵悅飲河之滿腹欣負山而無倦自有陳淪沒物我分崩或漏網以東歸或入籠而北上谷風以恩相棄伐木以德相高十六積佇明從咸來謁敬大業之始曲降皇華竟以疾辭逸情山水吳之高人爲之胥附咸請處於通玄依瑞像而弘演有隋昏逸作梗妖氛乃避地毗陵沉默宴處而顯靈瑞相二寺僧徒翹請弘法寺有沙門智碧智猛風猷警

邁不乏精神旣遇通人傾心北面勤則不匱敏而有功並繼敷揚俱馳東箭于時也刑新輕典世涉屯蒙長淮已南猶稱吳國杜威專制端委君臨崇尚佛理飲茲歸戒大唐高祖掃舊布新起師臨洛徵威謁帝俛首應詔不悅于躬頽爲說宿因釋威憂憤達頂生之非固曉吳濞之失圖威乃接足嗚咽由斯而別有餘杭沙門道願法濟等先稟成論義同門戶不遠千里請道金陵乃鬱然諾旣而敷暢至理藥木滋繁爰逮施奉並無輕費於遠

行龍泉二寺造金銅彌勒像各一軀坐高一丈五尺用結來生之緣也貞觀元年通玄上德慧儀法師道心精粹量包山海修己安人非幾不踐東晉之日吳有白尼至誠感神無遠弗届天竺石像雙濟滄波照燭神光融曜滌漬白尼迎接因止通玄自晉距陳多顯靈瑞隋末揮懸玉石俱盡二像尊儀蒙犯霜露儀師獨苦心行切情昏曉以佛無殿僧何得安乃跋涉山谷昇景捨材不逾一年浮汎千丈履深冒險還到大吳廣開月殿指畫斯立

願以風雨相感席卷而還無替兩時功兼二事有吳縣令陳士綽者排繁徒義傾仰法音請講法華涅槃文軸纔竟疲役增勞即以塵尾付囑學士智奘曰強學待問無憚慧風師逸功倍不慙屢照誓言既止怡然冥目以貞

十六

十四

觀四年十月終於通玄春秋六十有七其年十一月墳于白虎之南嶺學士弟子等千餘人哀泗傷心恐芳儀之有絕乃樹高碑江王學士諸麟爲文貞觀五年弟子法韶等孝情殷至攀號靡及謹於墳前建塔五層禪師

慧儀鄉邦勝德香火情軫兼事經綸故使瞰
迥憑高當衢向術生平子弟仰瓊級而霑襟
宿昔得朋望玉輪而屑涕常州沙門法宣曰

余與上人情均道豔君終我疾枕淚眠號素
車不馳立壤長隔欲申悲緒聊書短銘方墳

在列靈塔斯布爰屬勝人允茲崇樹於惟法
主人勝德全愛河早越心燈幼傳巖嶽一簣
哮吼三年青蒲應舉紫極聞天名邦佞性利
物攸往衢蹲日斟懸鏡常朗義海傍溢談峯
直止誰謂明珠忽潛幽壤神丘掩穴素塔標

墳瓊龕宿霧玉掌排雲澗松送響巖桂呈芬
山飛海運遷貿相踵火入秦陵書開汲冢惟
茲道力巍巍長竦

釋法恭姓顧氏吳郡人也正信天發成德自
然妙識悟道高情拔俗故知爲道者貴其精

力通方者歸其至當立朝者宗其篤誠招隱

十五

者味其閑放詳之於恭諒法侶之羽儀人倫
之准的矣初生之夕室有異光爰洎撫塵便
能捨俗事武丘聚法師爲弟子也受具戒後
聽餘杭寵公成實屺公毗曇逮寵將亡乃以

塵尾付囑凡斯先達皆人傑也恭既受法寄
相續弘持三吳九派之流爭趨問道而勞謙
終日應對不疲行高而挾如愚學廣而陳面
壁後言遊建業歷詢宗匠深疑碩難每祛懷
抱固有無得之道大弘遺名之情斯著乃旋
軫舊壤幽居於武丘山焉燒指供心痛惱之
情頓遣檐禽庭獸長往之志彌存開皇中年
州將劉權政城吳土心遊釋教乃嚴駕山庭
屈還城邑住迴向寺既迫茲固請翻然迴慮
以爲體道由心道存則喪於彼我立教在迹

教行則混其顯晦乃遊洛轉法通流甘露挹
河仰岳均美前奇大唐闡化彌崇弘演貞觀
十一年下勅赴洛常州法宣同時被召亦既
來儀深降恩禮對揚帷扆辯說紛綸明像教
之興滅證遺法之屬付入待讌達旣摛雅什
田衣作詠仍即賜縑有感聖衷深見顏色特
詔留住傳送京師四事資給務令優厚雍州
牧魏王遙加欽請以爲戒師親降疏曰昔道
安晦迹襄陽肇馳秦闕慧遠栖心廬岳名振
晉京故知善言之應非徒千里明月所照不

隔九重法師笠澤上仁震維高德律行淨於青眼威儀整於赤髮傳燈之智不窮法施之財無盡弟子攝此心馬每渴仰於調御壘此身田常戴懷於法雨若得師資有託冀以祛此六塵善導啓行庶無迷於八正謹遺諮詢

十六

佇承慈誘旣膺斯請供施特隆自爾朝野明達綱素清高聞風延佇望室奔湊者厥罕書矣然其廣植德本遐舉勝幢寶殿臨雲金容照日講筵初闢負笈相趨談疏纔成名都紙貴加以博通內外學海載其波濤鴻筆彫章

文園開其林數以貞觀十四年十月六日遷神于西京大莊嚴寺春秋七十有三冕旒與悼有識舍悲降勅加以賙贈并造靈輿遞給傳乘付弟子慧驚送柩還鄉以十五年二月十五日窆於武丘之南嶺道俗奔赴望途悼泣門人等師資增感歲序易馳非夫琬琰孰陳不朽乃共堅豐碑式陳碣頌中書令江陵公岑文本製序朝散大夫著作郎劉子翼製銘兩叙風聲各其志矣

釋智正姓白氏定州安喜人也家傳信奉夙

著弘通纔預有知便辭世網識見弘舉不群
蒙稚年十一將欲落髮父母諸戚對之泣淚
而顏色無改師知其遠度也日授未聞隨得
緣記錄爲譜牒有所遺忘尋問相續身無戲
掉口不妄傳奉戒精勤昏曉自策和上同師

六

十七

私共歎異年雖弱冠曾無驅役供贍所須恣
其學問不盈數載慧聲遂遠開皇十年文皇
廣訪英賢遂與曇遷禪師同入魏闕奉勅慰
問令住勝光仁壽元年左僕射虞慶則欽正
高行爲奏寺額造仁覺寺延而住之厚禮設

御正乃深惟苦本將捐此務歸靜幽林承終
南至相有淵法師者解行相高京城推仰遂
往從焉道味江湖不期而會因留同住二十
八年靜恭無事不涉人世有請便講詳論正
理無請便止安心止觀世情言晤不附其曰
貞梗自課六時無憩以貞觀十三年二月二
十八日卒於本住春秋八十有一弟子智現
等追惟永往感恩難顧鳩捨餘身於寺之西
北鑿巖龕之銘記如在現少出家諮詢法教
正之箴誠略無乖錯致所著諸疏並現筆受

故正之製作也。端坐思惟現執紙筆承額立侍隨出隨書終于畢部乃經累載初不賜坐也或足疼心悶不覺倒仆正呵責曰昔人翹足七日尚有傳揚爾今纔立顛墮心輕致也其翹仰之極復何得而加焉。正凡講華嚴攝論楞伽勝鬘唯識等不紀其遍製華嚴疏十卷餘並爲抄記具行於世。

釋慧稜姓申奢氏西隆人胎中父亡唯母鞠育三歲懷慧思願聞法母氏憐其孤苦相從來聽襄陽潤法師三論文義之間深有領覽

年至八歲其母又終無師自發獨詣邑西檀溪寺誕律師而出家十六乃往荊州茅山明法師下依位伏聽問經大意深有奇理召入房中三年曲教唯陳不有有也稜於此義深會其旨隋末還襄陽又逐安州嵩師入蜀凡有法輪皆令覆述吐言質樸談理入微時人同號得意稜也及嵩下獄稜亦同繩身被桎梏於成都縣一獄囚徒請講三論周於五遍勑還釋放便逐嵩還既達安州糧粒勇貴且往隨州巡里告索暮達嵩所如常採聽徃還

三百深有足功然其報力雄猛生無一患門
學所推及嵩力微四大退貶令代講涅槃咸
怪其言謂違嵩義時席端俊異者三十餘人
將往副水百有餘日惟講三論後嵩患愈還
返安州常於嵩房叙經大意外有側聽皆爲
漫語白嵩曰稜於初章全若不解明日上講
請爲定之及時告曰欲定初章者出來時門
侶蓋衆者二十五人一一誦呈皆云不是稜
最後述句句雖異皆云得意由是靡伏莫敢
輕者嵩之將終告曰稜公來吾令付囑最後

續種自吾講來唯汝一人得經旨趣乃握稜
手曰夫講說者應如履劍不貪利養不憚劬
勞欲得燈傳多於山寺讀經法事並爲物軌
如爲一人衆多亦然如此可名報佛恩也又
曰共公同涉苦辛年載不少唯以無相爲本
然後言矣語已而終初未屬前稜夢神人失
戶六十九兩眼又見一人著青衣執寶鏡放光來印稜
心既受訣已百日懷戀後還襄州紫金寺講
論五年衆有三百貞觀八年又還須彌講涅
槃大品惟度等經至十二年三月夢鷹入寺

群鳥飛去因即散衆及司功搜訪一無所獲
蔣王臨襄佛法昌顯請於梵雲相續齋講道
俗翕習又復騰涌至十四年正月半有感通
寺祖法師曰夢見閻王請稜公講三論祖公
講法華如何稜曰善哉慧稜發願常處地獄
教化衆生講大乘經旣有此徵斯願畢矣至
九月末蔣王見稜氣弱送韶州乳二兩逼令
服之其夕夢見一衣冠者曰勿服此乳閻羅
王莊嚴道場已竟大有乳藥至十月半黃昏
時遂覺不愈告弟子曰吾五藏已崩無有痛

所四更起坐告寺主寶度曰憶年八歲往龍
泉寺借觀音未至耆闌已講三遍皎如目前
言未訖外有大聲告曰法師早起燒香使人
即到度曰何人答曰閻羅王使迎稜即起燒
香洗浴懺悔禮佛訖還房中與度別食粥未
了便取一生私記焚之曰此私記於他讀之
不得其致矣至小食時異香忽來稜斂容便
卒即十四年十月十六日也春秋六十有五
合境僧衆七日七夜法集功德蔣王贈絹五
十疋送於鳳林山玄素同集五千餘人開講

設齋終日方退云

釋智拔姓張襄陽人幼年清悟雅好道法六歲出家初爲潤師弟子潤顧有濟器乃攜付哲法師哲亦襄川僧契至具之別傳初誦法華卷二十一日通五紙經中理路略有規度惟曰斯經諸佛出世之大意也一人一道非弘不通誓畢依持開悟蒙俗周聽乃治承帝京上德吉藏法師四海標領三乘明匠尋詣奉旨欣擊素心首尾兩遍命令覆述英俊鼓言無非亂轍藏親臨坐拔問衆曰一乘爲實遂分爲三亦

可一乘爲兩分爲三不衆無敢答藏曰拔公此問深得旨矣乃囑累大法必在機緣於是還襄會賊徒擾攘無由講晤晝藏夜伏私蘊文義後值清平住耆闌寺恒在常濟講法華經年別五遍門人法長後生穎萃見住梵雲領徒承業貞觀十四年九月十七日於清信士張英家宿集豎義開法華題或問今昔開法師四海標領三乘明匠尋詣奉旨欣擊素心首尾兩遍命令覆述英俊鼓言無非亂轍藏親臨坐拔問衆曰一乘爲實遂分爲三亦

遂即潛然迫而察之已遷化矣合境玄素嗟惋驚異顏狀如生跏坐堅正蔣王躬臨燒香供養贈物百餘段墓所設五千人齋春秋六十八矣

釋慧持姓周汝南人也開皇初年父任豫章

戶六

少機警美姿制栖^{二十一}遊之方欣

太守因而生焉少機警美姿制栖^{二十一}遊之方欣其言晤履歷名邦將挹道化初達丹陽開善寺投滿法師而爲息慈今誦大品日通五紙斯經易誦難持而能文句無爽時共美之本年登冠其身長七尺色相光偉執持威容不

妄迴盼故俗又目曰象王持也乃聽東安莊法師又聽高麗實法師三論鉤探幽極門學所高兼善老莊易史談玄之次寄言法理越公楊素治兵淮海聞風造展歎其清悟曰斯寔絕倫之僧也隋末避難徙越州住弘道寺常講三論大品涅槃華嚴莊老累年不絕立志堅白書翰有聞不出寺門將三十載跏坐不卧勤苦至終以貞觀十六年八月二十三日旦告弟子曰吾欲往他方教化急作食及時至三下前食還房跏坐繩床斂容而逝弟

子謂言入定三日任之會稽丞杜伏護者蔬
素長齋依常參拜聞有異香方知久化加結
鏗然申而不得乃坐送大禹山都督已下玄
素萬餘人悲歎相嗟至于殮所春秋六十八
矣

釋慧瑜姓岑氏少孤窘三歲二親俱喪養於
舅氏五歲隨外相往長沙寺聽講見佛啼泣
戀慕不肯還家遂任之爲寺救苦法師弟子
令誦大品五十日中一部通利晚聽三論大
如意鏡其宗領隨有行文觀用明的逢難入玉

泉山寺側有泉旁作草庵於中宴坐二十三
年初無暫離觀心純淨未可言覩泉神供奉
時或見聞黑蛇一頭長二丈許隱顯現身如
守護相群賊雖來無敢近者有老賊張赫仰
者勇悍無前攜引十賊身挾兩刀欲殺此蛇
十六

去二百步蛇乃張目出光賊徒皆倒經兩日

二十二

二十二

間瑜覺往救七人已死蛇隨瑜行爲誦大品
大明呪訖三人方活於是四遠聞風往造供
施委積貞觀十年荊州道俗請出昇覺寺講
三論大品開化未聞佛法由盛十四年七月

二十三日合寺同見群星入井不測其故至八月十七日講大品至徃生文未訖手執如意於座而卒春秋七十有九

釋智凱姓馮氏丹陽人父早亡六年聽吉藏法師法華火宅品夜告母曰經明火宅者只我身耳若我是火宅我應燒人旣其不燒明知無我終夜達朝詣藏出家身相黑色故號烏凱年十三覆藏經論縱達論並不拘檢約隨藏會稽嘉祥等寺門人英達無敢右之及藏入京即還靜林聚徒常講武德七年剡縣

立講聽徒五百貞觀元年徃餘姚縣小龍泉寺常講三論大品等經誓不出寺脇不親席不受供施自僧而已佛殿之後忽生一池便曰只飲此池可以卒耳爲性慈仁言極廣厲時越常俗多棄狗子凱聞憐之乃令捨聚三十六人_{口六}時越常俗多棄狗子凱聞憐之乃令捨聚三十六人_{口七}十五常事養育既被卧寢不辭汙染至十九年齊都督請出嘉祥令講三論四方義學八百餘人上下僚庶依時翔集用爲興顯百有餘日日論十人答對泠然消散無滯初發龍泉小池即竭凱聞歎曰池竭食亡吾無返

矣至二十年七月二十八日依常登座手執如意默然不言就殮已終乃加坐送大禹山七日供養常有異香州宰自殮深發堅信乃

起塔七層以旌厥德云爾

續高僧傳卷第十四

音釋

駐	驛	驛	吉	中	句	切	與	蹕	同	警	蹕	驛
鋒	鋒	鋒	敦	容	切	與	蹕	同	警	蹕	驛	驛
鏑	鏑	鏑	丁	秋	切	與	蹕	同	警	蹕	驛	驛
鄼	鄼	鄼	則	諫	切	矢	劖	鉛	也	旗	以	諸
滻	滻	滻	滻	滻	滻	滻	滻	滻	滻	滻	滻	滻
瀆	瀆	瀆	谷	古	切	滻	瀆	地	名	滻	滻	滻
鄩	鄩	鄩	地	名	滻	滻	滻	滻	滻	滻	滻	滻
黝	黝	黝	黝	黝	黝	黝	黝	黝	黝	黝	黝	黝
延	延	延	延	延	延	延	延	延	延	延	延	延
夷	夷	夷	夷	夷	夷	夷	夷	夷	夷	夷	夷	夷
然	然	然	然	然	然	然	然	然	然	然	然	然
際	際	際	際	際	際	際	際	際	際	際	際	際
也	也	也	也	也	也	也	也	也	也	也	也	也
地	地	地	地	地	地	地	地	地	地	地	地	地
名	名	名	名	名	名	名	名	名	名	名	名	名
黝	黝	黝	黝	黝	黝	黝	黝	黝	黝	黝	黝	黝
胡	胡	胡	胡	胡	胡	胡	胡	胡	胡	胡	胡	胡
帖	帖	帖	帖	帖	帖	帖	帖	帖	帖	帖	帖	帖
妃	妃	妃	妃	妃	妃	妃	妃	妃	妃	妃	妃	妃
去	去	去	去	去	去	去	去	去	去	去	去	去
几	几	几	几	几	几	几	几	几	几	几	几	几
貳	貳	貳	貳	貳	貳	貳	貳	貳	貳	貳	貳	貳
附	附	附	附	附	附	附	附	附	附	附	附	附

瑞終子朗
帛也龍馬切稜盧登
稜切儂許綠切
儂切慧利也嵩古老

永樂北藏

續高僧傳

第一四八冊